



LA POESIA DI GONNOSTRAMATZA

ANTONIO GIUSEPPE ABIS

LA POESIA DI GONNOSTRAMATZA

A i miei genitori, amanti della poesia sarda.

Ho voluto esprimere con parole antiche
il mio amore per loro assieme ad un profondo
ringraziamento per avermi messo al mondo.

NONNA MARGHERITA

Nonna Margherita de battiari sa madrina;
de issa pozzu nai , ca fu meda generosa;
abili in sa faina;
ma in s'arrenegu, pagu fu lillosa.

M'iobiada in domu sua
e cun issa mi crocada;
mi gogada a incaragua
e in su spassiu m'istentada.

deu po issa primamente,
fui sempiri su pippiu;
fu sa cosa ricorrenti
chi narada a babbu miu.

chi cuncunu m'arropada,
medas botas capitau,
s'intendiada s'attochidada;
rintronendi in bixinau.

A sa spiga m'ingoliada
po arragolli sa sconcada;
cun Angiuledda s'iscupiada
cun frastimus e istoccada.

A su notti mi contada
meda contus de forredda;
is fainas m'imparada
cumentu fessia givanedda.

De is antigusu narada
De s'usanza chi tenianta;
cun su tempus chi cambiada
e su modu chi bistianta.

Ma sa genti antiga tottu,
esti partida a campusantu;
in s'aras d'ognia mottu,
ddu prangianta cun su cantu.

Candu arriba s'ora mia,
non ti fazzada impressioni;
non agitoristi in sa bia;
fai sonai s'ispirazioni

Asuta de sa mesedda
Dd'uesti u'cascioneddu;
serrau cun s'ariedda
e a pabasa u'crieddu

Ananti ananti bisi, su sciallu miu pintau;
sa fascadroxia niedda cun s'oru arrichilinu;

sa camisedda bianca e is pabas de broccau;
chi paridi u'sonettu, s'aunnedda de imbudrattinu.

Sa crai de su pottabi
è posta in sa fronesta;
no t'indi parra mabi,
ma è tua de notesta.

Ti depu saludai
o fillu gioiosu,
no potzu prusu stai ,
ti depu nai adiosu.

Su tempus è passau
e puru sa clementia,
pippieddu miu stimau,
perdona sa dolentia

O nonna no' mi lassidi,
no est'incora su momentu,
aspetti chi ci passidi
cust'ora de iscrementu.

E sena dobidori
ascutu s'agonia,
Gesusu tiarriori !
adiosu nonna mia.